

曲江秋

如何是道這一點古今尋求顛倒人人有分箇箇不虧少皆因
動念錯染着處便生煩惱若也般般放下有何微奧 隨分隨
緣且過究本來面目直須分曉寒爐冷竈對虎龍吟嘯目前便
是了更不向外邊尋討不問神仙與佛共同覺照

梅花引

邱長春

行不勞坐不倦任行任坐隨吾便曉風輕暮天晴逍遙大道南
溪上下平 溪東幸獲忘形友皎月時斟消夜酒酒盃停月華
清披襟散髮欣欣唱道情

上昇花

吳真人

道藏輯要

鳴鶴餘音

雲

崑集八
川卷一

緊鎖心猿悟光陰塵世百年過速下手頓修元本真靈此日要
住行屋居家坑塹先須跳將身已使令孤宿靜無觸氣財色酒
一齊須逐 俗景般般絕慾更捨盡爺娘共妻骨肉自在逍遙
落魄清閑認取裏頭金玉瑤英瑤藥花心動放香味滿空馥郁
異光簇祥光燦爛結成仙曲

步蟾宮

呂洞賓

坎離震兌并子午須識取自家宗祖地雷響震動山頭雨漸澆
灌黃芽出土 捉得金晶牢閉固煉甲庚要降龍虎有人問道
阿誰傳但說道先生姓呂

雙雙燕

邱長春

春煙淡蕩青山媚行雲亂飄空界花光石潤秀出洞天奇恠戶
牖平高萬丈盡耳目臨風一快多生浩劫塵情曠朗渾無纖芥
堪愛逍遙自在疎枷鎖拋離業根冤債風隣月伴道合水晶
牙賴無限崢嶸勝景盡賜與山堂教賣千乘寶珠酬價問君誰
解

無愁可解

三于真人

古往今來多憂少喜消化太平難值幸逢聖賢出世布道德談
羅天地上界真人權下世御萬國不勞神器中外偃武修文敬
賢尙德致清平瑞 何以上答天恩佳時念因循等閑虛費要
先崇儉約務飽暖不貪名利向立門求奧祕戒嗜慾保安和氣

道藏輯要

鳴鶴餘音

卷

菁集八
四三三

更心上物物頭頭放下乃得免人間累

木蘭花慢

本輕清體妙湛然獨與天游爲透入凡胎五行圈圍四大拘囚
窮年執迷不悟認聲色虛幻故延留元舊仙鄉道域咫尺天地
逍遙 欲求返本還元誠只在自心頭但默默精思時時探索
必取功收虛空忽然粉碎盡來生業障一齊休振袂蓬萊閬苑
不愁弱水無舟

自樂

醉時節就把青山靠醒來時興取瑤琴操操的是鶴鳴九臯水
色清山色近迥然閒自樂 俺也一如歸闔苑登蓬島且恁底